



Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 78. Contentio de jure Successionis in Hungariæ Regnum.

[urn:nbn:de:hbz:466:1-66472](#)

Sæcul. XVI. illius Conjuræ ac Caroli V. Soror erat,
 A.C. 1526. effigies conspexerat, simulque adversam
 Regis hujus sortem miseratum, ita ex-
 clamasse: „Palam profiteor, me Hun-
 „gariam non invasisse, Ludovico Reg-
 „num Patris sui eripiendi animo, sed
 „unice, ut Hungarorum insolentiam,
 „compescerem, eorumque Regnum Ot-
 „tomannico Imperio obnoxium redde-
 rem.., Testatur Paulus Jovius: *Corpus*
Ludovici Regis ab armigero suo mox arena
fuisse contectum, ne ejus cadavere armisque
Paul. Jov. regiis potiretur hostis, post multos vero dies
in elog. Lud. repertum, eo quo potuit funeris honore Al-
bam regalem translatum in sepulcro Hunga-
riæ Regum fuisse reconditum.

§. LXXVIII.

*Contentio de jure Successionis in Hun-
gariæ Regnum.*

Cum Ludovicus sine liberis decederet,
 ingens inde exorta est contentio in-
 Ishuanff de ter Ferdinandum Austriæ ducem, & Jo-
 Reb. Hung. annem Zapolum Cepusii Comitem ac
 l. 9. Transylvaniæ Præfectum. Contende-
 bat Ferdinandus, sibi non modo Hun-
 gariæ, sed & Bohemiæ Regnum debe-
 ri, eoquod Annæ, quæ Ludovici de-
 functi Regis Soror erat, Maritus esset,
 Nengobod. atque insuper hac de re a suis Præde-
 hist. Poloniae cessoribus pactum cum Mathia, & Ula-
 lib. 17. dislao

dislao Regibus fuisse initum. Ex ad-Sæcul. XVI.
 verso Cepusius Hungariæ Regnum non nisi suffragantium electione transferri posse affirmabat. Indicuntur Albæ regalis ad dirimendam litem Solemnia ordinum Comitia, ac præter Principes, atque Optimates, quibus suffragandi jus competit, etiam convocantur exercitus Præfecti, idque ex legum præscripto, vi quarum ad Regis electionem etiam Belliducum sententia roganda esset, ut aliquem ex gente sua, quem pro exercitus Imperio dignorem censerent, & illi nominarent. Cunctis hisce solemnibus exacte observatis communi omnium suffragio Transylvaniæ Præfectus eligebatur, mox Hungariæ Rex proclamatus.

§. LXXIX.

Ioannes Zapolus in Hungariæ Regem electus, ac coronatus.

Hujus electionem Maria Regina defuncti Regis conjux ægerrime ferebat, nilque intentatum relinquebat, ut Hungariæ corona Ferdinando Archiduci ejus fratri deferretur, unde ad suas partes non paucos pertrahere nitebatur Proceres, qui numero & potentia Transylvanensis Præfecti factioni prævalerent. Nec Reginæ consilium eventus sefellit; quippe primo Stephanum Batoris

A.C.152.6

Isthuanffl.e.
Joan. Sam-
buc. append.
ad Bonfia.